

~~1749~~ 1742 2174.

2. D. B. V.

AVSPICIIS

RECTORIS MAGNIFICENTISSIMI,

SERENISSIMI DOMINI,

DN. FRIDERICI AVGVSTI,

PRINCIPIS REGII ET ELECTORATVS
SAXONICI HEREDIS ETC.

DISPVATIONE SECVNDA

EXISTENTIAM

SPECTRORVM,

ex

Sagarum veneficarumque pactis cum
daemone sancitis,

declarabunt

PRAESES

M. GVSTAVVS FRIDERICVS
PISTORI,

END. SAX.

ET

RESPONDENS

• IOANNES BENIAMIN. ~~Sörn~~

GOTTLAVIENSIS MISNICVS.

Anno M D CC III. D. XVII. Novembris.

Horis consuetis

IN AUDITORIO MINORI.

VITEMBERGAE, Prelo GERDESIANO,

N. 5086.

77.

1875

1875

RECTORIA

DE

DE

DE

DE

DE

DE

DE

DE

DE

50

1875



I. N. D. N. I. C. A.

Quod DEus felix faustumque esse iubeat.

THES. I.



Aturam in profundo veritatem penitus abstrusisse, rectissime docuit *Democritus*, hanc igitur vigilantius inquirere, investigare, et rimari decet. Id siquidem cum maiori aequitate coniunctum est, quam sententiam, quam temere quis amplexus, pertinaciter defendere. In hanc igitur sententiam ulterius inquirere, an sint spectra, et daemonum cum mortalibus pacta? aequum erit, operaeque pretium fore existimamus. Quanquam iam antea a nobis existentia spectrorum demonstrata, diversis quoque argumentis firma reddita fuerit, eam tamen prolixius tanquam necessariam ac utilem materiam tractare constituimus. Hac enim de re ita sentit *Lutherus* cum super cap. XIV. *Luc.* inter alia scribit: *De spectris docere necessarium est et utile, ut sciamus, nos non solos esse, quasi diabolus ultra centum miliaria a nobis separatus versetur, undiqueque circa nos est, et lar-*

vas ad terrendum nos induit. Necessaria igitur huius materiae tractatio est, ut credamus diabolum saepius aspectui nostro se subiicere, modo hac, modo illa forma, sicut etiam angeli (disfimili tamen modo et fine) faciunt. Cum autem in *praece-*
denti i. nostra dissertatione promiserimus, quaedam in medium proferre, quae et existentiam spectrorum, et pacta hominum cum daemone sancita demonstrant, itaque promissis stare nostrarum esse partium duximus, idque in sequentibus probare et ostendere operam navabimus.

THES. II.

Materiam illam, quae de spectris et sagarum pactis agit certissimam esse, plurimi viri eruditi testantur, vid. *Scherezius in tract. de spect.* Historia gentilium quoque comprobatur, quod non omnia, quae de spectris dicuntur, falsa et figmenta sint. Spiritus enim et spectra interdum apparent. Quanquam non negamus, quod homines melancholici, furiosi, timidi, et imbecillibus sensibus praediti multa sibi imaginentur, quae revera non sunt, item ab hominibus et brutis animantibus saepe decipiantur, quod et antea a nobis declaratum fuit. Certum tamen est, quod non omnia, quae hominibus apparent, sint res naturales, aut vana terculamenta, sed verae diabolicae apparitiones. *Svetonius Tranquillus* testatur hoc, de Iulio Caesare scribens, quod illi cum ex Gallia in Italiam cum exercitu proficisceretur, iamque ad Rubiconem fluvium pervenisset, et animi dubius esset, transire fluvium vellet nec ne, quendam eximia magnitudine et forma in proximo sedentem arundineque canentem subito apparuisse, ad quem audiendum cum praeter pastores, plurimi etiam milites concurrissent, interque eos et aeneatores (h. e. tubicines ab aeneis tubis sic dicti) rapta ab uno tuba profiluisse ad flumen, et ingenti spiritu classicum exorsum, tetendisse ad alteram ripam: tum Caesarem dixisse, eamus quo Deorum ostenta et hostium iniquitas nos vocat. *Plutarchus* itidem eiusmodi apparitionem *Thesei* in pugna Marathonica contra Medos narrat,

narrat, ut et *Pausanias*, *Dio Cassius*, *Nicaeus Rom. Histor.* *Lib. LV.* scribunt: quod femina quaedam, humana quidem sed maiori forma, Druso apparuerit, vitaeque terminum indixerit. *Plin. Lib. II. Novocomensis Lib. VII. epist.* eiusmodi exempla plura adducit.

THES. III.

Existentiam Spirituum ipsi effectus daemonum probant, qui luculenter in obsessis hominibus observantur, in oraculis, in admirandis praestigiis et spectris. Saepe enim homines obsessi idiotae, lingvis peregrinis loquuntur, nec non de rebus alias incognitis. Exinde vis ingens et potentia magna daemonum elucet, eructant eiusmodi homines crebro blasphema, et mendacia horrenda, en iam unde oriuntur eiusmodi blasphemationes, et locutiones peregrinae? hoc itaque certum est: hominem non esse causam, cum supponatur idiota, lingvarumque peregrinarum ignarus, eiusmodi enim facinora et effectus superant omnino et excedunt longe humanas vires. Gentilium oracula sive e simulacris, sive e terrae cavernis edita, esse spiritus luculenter demonstrant, his accedunt et merito annumerari debent, admirandae praestigiae et spectra daemonum. *Cyprianus* probat *Platonem* post *Socratem* una cum magis antiquissimis angelos et daemones esse asseruisse vid. *Scharf. lib. I. pnev. cap. II. pag. 343.* Omnes porro philosophi saniores concedunt ac statuunt adhuc alios esse spiritus, praeter hominis animam et DEUM. Vero simile porro est, DEUM cum corpora et alias res viliores conderet, etiam addidisse angelos, tanquam nobilissimum sui speculum, in quo scilicet tot divinae perfectiones reluceant, vid. *Svaretz. disp. metaph. XXXV. sect. I. Scheibl. tom. II. metaph. Lib. II. cap. IV. art. II.* Ceterum quilibet facile concludere poterit, si datur spiritus incompletus, etiam datur completus, quoniam nihil imperfecti potest ultimum gradum creatur-

rarum absolvere. Ergo adhuc concedendus erit alius spirituum gradus completorum et perfectorum.

THES. IV.

Quoniam demonstratum fuerit, esse spiritus et daemones, porro exinde fluit, non impossibile fore malo genio corpus quoddam assumere, uti hoc in *praecedenti disp. §. X. XI. seqq.* probavimus. Non enim tam magna requiritur potentia ad assumendum corpus. Diabolo quidem non difficile est variis speciebus demortuorum, item quod minus est, etiam quadrupedum; avium etc. veluti in specie nigri canis, equi, bubonis, apparere. Nam per diuturnam et multiplicem experientiam vim et effectum rerum naturalium, veluti herbarum, lapidum etc. cognitam habere potest, et his rebus miranda operari facta. Est quoque subtilis et expeditus spiritus, qui res commode aggredi potest, id quod in re quavis non parum momenti affert. Hoc *Wierus Lib. V. de curat. laes. malefic. cap. XXX.* testatur, cum historiam de *Antonio Aegyptiaco* enarrat, haecque legi potest in vita *S. Antonii* ab *Atbanasio* descripta, et e Graeco per *Evagrium* presbyterum translata. Et hoc verissimum est, quaedam spectra certis temporibus familiariter cum hominibus conuersari, interdum videnda quoque se praebere, forma tamen minus horrida, saepius conclavia scopis purgare, orbes in culina et patinas mundare, ligna apportare, equos curare, capillis dormientium ludere, et hi spiritus sunt qui a Germanis die *Wüthgen* appellantur. vid. *Scheretz. in tract. de spect.* *Wierus* hoc quoque demonstrat *lib. 1. de praest. daemon. pag. 117.* ita enim scribit: *familiares quoque referuntur daemones, privatorum hominum se nutum observare simulantes.* Hos spiritus malos per magos omnino citari posse putamus, non quod verba a magis aut aliis peculiari modo recitata, vel characteres, per se vim arcanam haberent, est enim ethnica superstitio. Gentiles crediderunt quod conceptis verbis Iovem e coelo deducere aut

aut elicere possint, unde et Elicium nominarunt. *vid. Lud. Lavaterus in tract. de spect.* Fit tamen cum citatur daemon ut appareat, quo magi in superstitione et impietate firmi reddantur, et ad peccata summa horrendaque illis ansam praebeat. Hunc modum citandi daemones declarat *Wierus pag. 931.* quod tunc quoque mortales cum illo pactum sancire valeant iam in antecedentibus probavimus. Mulieres vero ab initio ad veneficium fuisse procliviores viris, gravissimi testantur auctores, multo enim facilius daemoni est, ei sexui fallaciam intendere *vid. Barbelina Rayel. Torquemadius. Fabius in declam. Diodorus Lib. V. de antiquorum gestis.* Apud Romanos feminae veneficiis primum usae sunt testante *Liv. lib. VIII. ut et Valer. lib. II. cap. XVI. tit. de institutis antiquis. August. lib. III. de civ. Dei cap. XVII. Plin. lib. XXV. cap. II. hic cit. loc. scribit. Feminarum scientiam in veneficiis praevalere.* Consuli porro potest *Horatius* hac de re, ille enim multarum sagarum praecipue vero *Canidiae*, quam et *Gratidiam* nominat mentionem facit, virorum neutiquam. Quin et apud alios autores et scriptores, plures etiam alias sagas harumque nomina et facta reperiet B. L.

THES. V.

Quod autem ad spectra, et pacta diabolica pertinet, non plane sunt, qui illa velint negare, pro meris phantasmatibus seu otiosae phantasiae figmentis ea habentes: quos inter etiam egit, magni alias nominis philosophus *Petrus Pomponatius.* Quales doctrinas hodie quoque longe pluri-
mi ex Atheorum schola profecti foveant. Quamvis enim prima fronte videantur istae doctrinae non adeo periculosaе, rem tamen recte ponderantibus, facile apparet tanto magis impias istas opiniones cavendas esse, quanto minoris a quamplurimis aestimari solent. Quomodo vero, quaque ratione istiusmodi genii sibi corpus asciscere possint, non licet plene nobis assequi, certissimum tamen est, quod Satan omnino corpus assumere possit. Et hoc infantes sup-
po-

posititii testantur, qui vel ex sanguine, vel alia materia ef-
 formati ac producti, a daemone ipsiusque praesentia mo-
 ventur ad illudendum homines. vid. *Vogtius in delic. Phys.*
cap. VIII. membr. IV. pag. 270. Nemo porro qui naturam
 spectrorum penitus considerabit, negabit, quod corpus ad
 certum quoddam tempus assumere valeant. Quanquam
 non semper in eiusmodi ficto corpore sese praebeant con-
 spiciendos daemones, sed non raro cadavera intrent, et
 cum illis sese ostendant vid. *Lud. Lavat. part. II. de spect. pag.*
174. Et spectra haec sunt, quae in domibus inhabitatores
 formis variis, viri proceri, monachi cucullati, feminae pe-
 plis confectae, canis nigri et pilosi etc. terrent. *Wierus. lib.*
I. de praestig. daemon. ostendit quod Satanus et malus geni-
 us conspici possit ut et *Vincentius, Sigebertus, Hieronymus,*
 multique alii, non quatenus spiritus sit, sed in assumpto
 corpore.

THES. VI.

Siquidem in antecedenti dissertatione probatum dedi-
 mus, esse omnino pacta quorundam hominum cum dae-
 mone, actum igitur ageremus, si eadem hic repetere velle-
 mus. Iam itaque quaedam; quae homines pacto cum dia-
 bolo inito ipsius auxilio et ope efficere possunt, demonstra-
 bimus. Manifestum procul dubio erit omnibus, diabolum
 multa, non vero omnia posse, nam huic spiritui malo certi
 a Deo limites et metae positaе sunt, quousque illius actio-
 nes DEUS tolerare vult, sine permissione DEI enim, ne in
 bestias quidem aliquid potest, multo minus in homines.
 Nunquam autem daemoni in homines quicquam a DEO
 concederetur, nisi ut vel probentur, si boni sunt; vel casti-
 gentur punianturque si peccatores, praefixis terminis, ultra
 quos ferri non sinitur. Hoc testatur *Clemens lib. II. Recog.*
Theodoret. cum ita loquitur: *Vt infideles a fidelibus, et pii*
discernantur ab impiis, permissum est maligno, uti artibus ma-
lis, quibus singulorum erga verum parentem probetur affectus.

Et

Et admodum elegans sententia *Gregorii* est, quam profert *lib. 2. Moral. cap. VI. Satanae voluntas semper iniqua est, sed nunquam potestas iniusta, quia a semet ipso voluntatem habet, sed a domino potestatem, quod enim ipse facere inique appetit, hoc Deus fieri non nisi iuste permittit.* Quam saepissime vero accidit ut homines a diabolo aut eius mancipiis illudantur, quando nimirum quicquam efficere aut praestare debent. Nam multa, quae tanquam vere gesta, haecenus diabolo et sagis attributa fuerunt, ut fraudulenta aut praestigiosa, vel non eo quo apparuere modo revera existentia cognoscuntur.

THES. VII.

Exinde sequitur, lamias non omnia, nec quae ipsae efficere credunt, praestare valere. Concedimus libenter daemonem nonnunquam veneficas fallere et illudere. Plurimi enim, fideque digni viri hoc affirmant, nam quam saepissime lamiae putant se fuisse in monte Bruçero vel alibi, cum tamen domestici optime sciunt, has tunc temporis, hacve hora, domi fuisse. Sunt aliqui, qui asserunt homines a daemone in lupos mutari posse, hoc autem falsissimum est, minimeque credendum arbitramur. Arcades quidem a daemonibus in lupos conversos et mutatos fuisse dicuntur, et quod *Circe* carminibus suis, socios *Vlyssis* in animalia irrationalia mutasset, a quibusdam fertur. Res vero haec fabulosa est, idque quod de sociis *Vlyssis* narratur poetarum commentum potius appellandum cum *Plinio* existimamus. *Hic lib. VIII. cap. XXII.* ita hac de re scribit: *homines in lupos verti, rursumque sibi restitui, fabulosum est, confidenter existimari debere, aut credere omnia, quae fabulosa tot seculis credimus.* Quomodo enim mille artifex substantiam hominis mutare posset, non perspiciamus. Diabolum vero formam huius animalis praesentare posse, mancipiisque suis persuadere, se esse lupum, aut aliud animal irrationale, revera autem non sunt, libenter affirmamus. Cum vero eiusmodi narrantur exempla,

B

quod

quod cum lupi illi vulnerati fuerint, quoque homines illi, qui se fuisse lupum istum arbitrati sunt, vulnus in se invenerunt, hoc certe astutia et celeritate diaboli esse adscribendum, quilibet affirmabit. Hic enim eiusmodi hominem cui persuasit esse vel fuisse lupum celerrime subiicit venatoribus, vel aliis insidias struentibus, ut arbitrentur, se videre lupum, quod tamen minime verum est, et ita praestigiis celeritateque sua efficit, ut homo videatur lupus, et vulneretur. Daemonem quoque non raro lupum praesentare, quem homines, sagam vel lamiam esse putant, certum est, hocque testantur *Petronius Armentarius*, *Ioannes Malrisius*, *Barbelina Rayel*, ut et *Remigius lib. I. Cap. XXIII. pag. m. 155.* *Augustinus lib. XVIII. de civ. Dei et lib. III. de Trinit.* eos graviter et severe reprehendit, qui credunt daemonum arte, vel potestate, hominis corpus in bestialia lineamenta posse converti: siquidem soli Deo, non vero transgressoribus angelis, ad nutum servire hanc rerum visibilibus materiam. Haec etiam sententia plerisque ethnicis semper alienior visa est, inter quos et *Plin. lib. VIII. cap. XXII.* *Olaus Magnus videri potest in hist. de gent. septent. ib. C. XIV.*

THES. VIII.

Quam falsum vero est, quod homines a Satana in lupos aut animalia irrationalia mutari queant, tam verum esse putamus, quod ope venificarum vetularum, homines spectris Satanae ad alios homines noctu duci, et reduci possint. Hoc tamen spectrum in forma hirci apparere, et per aërem volare solet. Exemplum huius excoecatae temeritatis profecto non adeo sunt rara in quibusdam locis, talia autem apponere noluimus, quoniam ubique fere narrantur et leguntur, quod nimirum multi, eiusmodi spectro hircino, per aliquot milliaria noctu ad amasias sint portati et reportati. Quin et exempla adfunt, quosdam invitos ex lectis ab hircino esse abreptos, et tamen reductos vid. *Scheretz. in tract. de spect.* Eiusmodi apparitiones
omni-

omnino veneficae efficere valent certis quibusdam verbis, characteribus, vel ceremoniis, non vi et efficacia quidem verborum recitatorum, sed eam ob causam apparet malus genius, ut homines eiusmodi magis magisque in superstitione et detestanda impietate confirmentur. Abutuntur sagae nominibus divinis ut et verbi divini. vid. *Wierus lib. V. de curat. laes. malef. pag. 514. et Cardanus de subtil. lib. XVIII.* A nonnullis porro quaeritur, an daemones, quando corpus in alium locum transportant, quoque corpus aliquod assumpserint? *Thomas* hoc concedit, quo daemon naturaliter hominem transportaret, nos vero putamus non semper malum genus corpus aliquod, sed tantum interdum assumere. Si enim teste *Augustino lib. XIII. de civ. Dei* angeli boni hoc facere possunt, ut quaedam animalia terrestria rapiant, unde libet, quare et hoc daemon non praestare posset. vid. *Wierus lib. III. de lamiis.*

THES. IX.

Omni- bus fere notum erit, homines quosdam, qui cum daemone pactum iniverunt, non raro morbos curare solere. Curationes autem istas magicas, superstitiosas, et impias esse unusquisque fatetur. Utuntur enim magi et sagae plerumque verbis ignotis, et carminibus, nonnunquam per periapta, characteres, effigies, annulos, et sigilla sanare solent aegrotos hi daemones dediti mortales. Parvi vero momenti sunt, manu efficti characteres, effigies, annuli, et sigilla, hac illave figura delineata, sculptave, vel imagines ad certos coeli positus, hoc momento, et illo loco insignitae. De his et similibus vid. *Agrippa de occult. philos. lib. I. c. XXIII. lib. III. c. XXIX. XXX. XXXI.* Quid vero eiusmodi characteres efficere possunt? sunt enim dolosa mente excogitati, quorum virtus nulla est. At nomina nec Arabica, nec Chaldaea, nec Hebraea, nec Graeca sunt, quod si etiam essent, quid plus iis inesset virtutis, quam Latinis, ergo figmenta mera esse oportet, nulliusque virtutis, quam si concedas obtinere, non nisi daemonum pacto fieri potest.

est. Quis enim has res invenire valuit, nisi daemon persuasionibus. Falsa itaque haec est opinio quod magi morbos quosvis sanare valeant. Concedimus vero, quod omnino Satanas permittente Deo mederi morbis queat, quorum ipse autor est, fictam tantum, simulatamque tunc exhibere curationem. Eiusmodi enim fallaciis, fraudum magister mortales defraudare studet, quo a mancipiis suis, divino cultu et honore dignetur. Recte itaque *Rabbi Moses ille Aegyptius lib. I. perplexor. cap. LXXII. mendaces et stultos esse affirmat, qui soli figurae, soli scripturae, solis lineamentis, solis denique vocibus, tantam miraculorum vim et potestatem tribuerent.* *Aelius Spartianus* non temere Antonium Caracallam eos condemnasse statuit, qui contra tertianas et quartanas febres periapta gestarent. Omnes porro curationum modos, ut superstitiosos reiecit *Augustinus* sequentibus verbis: *Superstitiosum est, quicquid institutum est ab hominibus ad facienda et colenda idola, pertinens vel ad colendam, sicut Deum, creaturam, partemve ullam creaturae: vel ad consultationes vel pacta quaedam significantium cum daemonibus, placita atque foederata: qualia sunt molimina magicarum artium, quae quidem commemorare potius, quam docere solent poetae. Ex quo genere sunt, sed quasi licentiore vanitate, haruspicum et augurum libri.* Ad hoc genus pertinent omnes etiam ligaturae, atque remedia, quae medicorum quoque disciplina condemnat, sive in praecantationibus, sive in quibusdam notis, quas characteres vocant, sive in quibusdam rebus suspendendis aut ligandis: in quibus omnibus ars daemonum est, ex quadam pestifera societate hominum et angelorum malorum exorta.

THES. X.

Non ignoramus adhuc a nonnullis in dubium vocari, an etiam sagae et personae illae, quae societatem detestandam cum Satana habent, ad solemnia sua conventicula, quae sabbata vocant, transportari queant? et nonnunquam realiter transferantur. Concedimus atque probabimus

bimus quod omnino fieri possit, licet multi reperiantur hanc thesin negantes, in quorum numero sunt: *Alciatus lib. VIII. Vlricus Molitor de Pythou. mulier. cap. VIII. Franciscus Samuel. Minorita integro libro. Ponzinibius, Wierus lib. III. de praestig. daemon. c. II. Agrippa. Godelmannus. Martinus de Arles. Michael Montanus. Leonbard. Vairus. lib. II. de fascino c. XIII.* Hi multis argumentis et quidem probabilibus hanc suam sententiam negativam tueri operam dant. Cum vero his affirmativam sententiam probantes opponuntur, apparet quod omnino thesis nostra vera sit. Sunt vero nobiscum consentientes sequentes: *Nicol. Remigius lib. I. daemonolat. cap. XIV. XXIV. XXIX. Penna in direct. inquisit. p. 2. commat. 68. Turrecrema super Grilland. lib. II. de sortil. quaeft. VII. n. 8. Autor mallei passim. Basinus de arte magica prop. IX. Bartb. Spinnaeus contra Ponzinib. Alfonsus a Castro lib. I. de iust. baeres. punit. cap. XVI. Ananias lib. IV. de nat. daemon. Martin. Del-Rio disq. mag. tom. I. lib. II. quaeft. XVI. p. 345. seq. Antonius de Torquemada Dial. 3. Hexaem. Schottus Phys. curios. Balduinus in cas. Conscien. Dannbauerus exercit. Et bico - Polit. V. p. 86. Libavius multique alii.* Ex his omnibus apparet et quilibet colligere potest, nonnunquam transportationem illam sagarum veram esse, interdum quoque phantasticam.

THES. XI.

Principium huius transportationis principale est ipse daemon, qui sua mancipia ad nocturna illa conuenticula transvehit. Hunc autem non daemonem, sed potius Magisterulum, vel Martinettum, sive Martinettura sagae appellare solent. Variis quidem mediis utuntur, ut ad comitia illa perveniant, qualia sunt: incantationes variae, circuli et figurae, applicatio manus ad crines, pilei aut pallei positura, unctio, aliaque huius generis. Hae caeremoniae superstitiosae, rectissime principium minus principale nominari queunt. Unguento vero praeprimis utuntur artis magicae deditae mulieres, cum adesse comitiis nocturnis cupiunt. De hoc vero unguento notandum esse putamus, quod confi-

ciatur ex adipe felis, canis, asini, aut lupi. *test. Remig. lib. I. daemonolog.* sed potissimum ex infantis occisi pingvedine. Hinc Satanas insidias infantibus struere solet, imo nonnunquam eos permittente Deo suffuratur, postea vero ministris suis ad excoquendos vel comburendos, ad magicas artes concedit. Si itaque sagae corpus de loco in locum realiter transferre cupiunt, hoc unguento crura, vel alia corporis membra illinere solent. Non vero putandum est unguentum illud ad realem corporum translationem simpliciter esse necessarium, aliquoties enim sine eiusdem usu, sagas alio esse de vectas constat vid. *Auct mirabl. myst. c. III. p. 21. it. Bodinus.* In phantastica autem repraesentatione, in nomine omnium diabolorum obdormiscere sagae dicuntur, et tunc per somnium interfunt conventibus, cum deinde in sinistrum latus se collocant. Modus etiam huius transportationis duplex est imaginarius et verus. Imaginarius itaque est, cum auxilio daemonis per imaginationem seu phantasiam ipsis sagis repraesentantur, quae in conventiculo aguntur, etsi illae domi alto somno sepultae confiderantur. *test. Iamblico de myst. Aegypt. cap. de intellectu et anima.* Verus autem modus est, quando sagae in altum ad sabbata sua celebranda tolluntur.

TUES. XII.

Nos dum conventum sagarum realem quandoque asserimus, sagas totas et qua animam et qua corpus in alium transferri locum statuimus. Reiicimus vero hanc sententiam, quod animae sagarum ex corporibus illarum eripiantur. Haec ereptio plane huic spiritui malo impossibile est, involvit enim veram e mortuis resurrectionem, sequeretur quoque si Satanas sagarum animas eriperet e corporibus, quod postea revera anima iterum cum corpore reduniri deberet, quod autem hoc daemoni minime tribui possit censemus. Diabolus est causa finita, effectus vero hic est infinitus, et ita minime rem infinitae virtutis efficere valet, nam ereptio animae infert mortem, redunitio vero vitam.

THES.

THES. XIII.

Non semper realem hanc esse migrationem optime notum nobis est, haud enim ignoramus sagas de conventibus daemoniacis aliquando splendorissime nugatas, locutasve esse, cum tamen domi in suis iacuerint cubiculis somno oppressae vid. *Paul. Grilland. D. Carpzov. in prax. crim. part. I. quaeft. 481. 27. item Lutherus Tom. I. len. fol. 126. Anton de Torquemada lib. I. p. 349.* Veram autem transportationem postibilem Satanae esse statuimus, non enim illius vires excedit, itaque ab illo fieri posse probabile est vid. *Tbom. part. I. summ. quaeft. 100. art. 3. quoad motum localem omnia corpora obediunt spiritibus completis, diabolus autem spiritus completus est.* Eandem porro cum bonis angelis daemones potentiam habent, si enim angeli boni, ea praediti sunt virtute, ut corpora de loco in locum transferre possint, nil impedit, quo minus et diabolis ea potestas in sagarum corpora competat. Conveniunt spiritus boni et mali in essentia, ergo quoque in naturali potentia, essentiam consequente. Hanc transportationem igitur malus genius facile efficere potest, robustior est is quovis corpore humano, et quanquam possibilitatem suam monstravit in uno et altero, cur non idem posset in ceteris, quae cum prioribus eiusdem sunt ponderis et magnitudinis. Tametsi quidem modus angelicus movendi corpora, penitus nobis non sit perspectus, certum tamen est, quod ab ignoratione modi ad negationem rei non valeat consequentia.

THES. XIV.

Cum vero, sagae in conventiculis suis ab aliquo videntur, evanescere dicuntur, quod vero hic non vere et proprie accipiatur vocabulum evanescere putamus. Nam evanescere non possunt sagae quae conventui interfunt, sed tantum a daemone celerrime abripiuntur, et sic disparuisse dicuntur, late accepto vocabulo, prodesierunt videri. Natura incorporea spiritus est daemon, subito, ubicunque vult, adest, nullo alicubi prohibente, eam ob causam quam facillime corpus e conspectu cuiusdam abripere valet. Locus vero in quo

quo sabbata et conventicula sua celebrant, in diversis regionibus diversus est; plerumque tamen comitia in sylvestribus, montanis, subterraneis, ab hominumque conversatione distitis locis habentur *Mela lib. III. cap. XLIV.* montem Atlantem nominat; *de Vaux* magus Staebuleti de collatus, fassus est 1603. in Hollandia congregationem in Ultraiectinae ditionis aliquo loco frequentissimam fuisse. Nobis vero ab hoc conventu notus ac notatus mons Bructerorum qui ab aliis Melibocus vocatur, vulgo der Blocksberg / oder Heweberg / *Peucero* der Brockersberg / et *Tilemanno* Stellae der Bogelsberg / perhibente *Ortelio* in thes. geograph.

THES. XV.

Ceterum quod daemon cum sagis generare possit veros infantes negamus. Congredi quidem Satanam cum sagis, interdum realiter, interdum vero phantastice concedimus. Ad verum congressum requiritur corpus, cum vero diabolus nullum proprium corpus habeat, congressum in assumpto corpore exercet. Concedimus quoque diabolum posse generationem imitari, dum utrum sagarum inflat, ex semine et sanguine materno corpus elaborat, ex eoque loquitur, et ubera sugit, sed quod verum hominem generare possit in totum negatur. Quia enim spiritus est non ipsi competit semen nativum, nec minus generatio. Cum vero dicitur, quod infantes supposititii vivant, tunc omnino scimus daemonem accidentaliter tanquam forma assistens, qualis auriga est in respectu ad currum, hoc corpus dirigere. Negatur autem quod substantialiter reformetur a daemone, conceditur quod accidentaliter ei corpori adsit. Hos igitur infantes supposititios non esse veros homines quilibet affirmabit, carent enim anima rationali; forma hominis est anima, si vero haec tollitur, tunc et formatum. Forma horum infantum ipse daemon est, qui est spiritus completus, adeoque cum materia tanquam forma physica uniri nequit.

F I N I S.